

آبونه شماره اٹلی

ممالك عثمانیه ده سنه لکی (۶۵)، آلتی
آیلمی (۳۵) غروشدور .
ممالك اجنبیه ده سنه لکی (۱۷)، آلتی
آیلمی (۹) فرانقادر .

اداره خانه

باب عالی جاده سنده دائره مخصوصه

امطارات

آبونه بدلی پشیندر

مسلكه موافق آثار مع الممنونیه قبول
اولنورد . درج ایدله یں یازیلر اعاده
اولونماز .

الکشاف

سیر ۱۳۳۰

دینی، فلسفی، علمی، ادبی هفته لقی مجموعه اسلامیہ در .

والله يهدي من يشاء الى صراط مستقيم

باش محرر
محمد عاكف

صاحب و مدير
ع . اشرف اديب

بمعون اهدكم سبيل الرشاد

امطارات
رساله مزدن آلندیفی کوسترملک
شرطیله بتون یازیلر هر هانکی
بر غزته طرفندن اقتباس اولونه بیلدر .
§
مکتوبلرک امضالری واضح
و او قوناقلی اولسی و آبونه صره
نومروسنی محتوی بولونسی لازمدر
§
ممالك اجنبیه ایچون آبونه اولانلرک
آدرس لرینک فرانسیزجه ده یازاسی
رجا اولنور .
§
پاره کوندرلدیکی زمان نه یه دایر اولد
یغناک و اضعا بیلدیرلمسی رجا اولنور .

و جامد دماغندن فیشقیران نظریات اجتماعی و دساتیر عرقیه و عنصریه دکل، عبادینک فوقنده قهر و جلالیه حاکم مطلق اولان جناب حق در، آنک تعدیل و تبدیلدن، تحریف و تغییردن شانی منز و متعالی اولان ازلی قانون اساسیسی، قران حکیمیدر. «وهوالقاهر فوق عباده»، «والله غالب علی امره»

اسلام، بر روحدر؛ انک وجودی ده عالم اسلام، جهان توحیددر. وجودک حیاتی روح ایله قائمدر. اکر اسلام، مساسر برلفظ بی معنادن عبارت قالیر، او روح چکیلیرسه وجود، تفسخ ایدر، داغیلر. ایشته اوزمان غریک نظریات اجتماعی و دساتیر ملیه سی آنک مرئیة وفاقی اولور.

اسلامک تاریخی میداندهدر. آچیلین! اوقونسون! مسلمانلر، هر نه زمان حضرت قرآنه تام برتسلیمیت مطلقه ایله انقیاد ایتدیلر، احکام اوامر و نواهیسنه درت ال ایله صاریلر چالیشدیلر ایسه یوکسدیلر. مسلمانلر، او اعتلا دورلری ایشته بوتسلیمیت و انقیادک مکفاتی اولاراق آلتون قلملرله تاریخه یازدیلر. بودورلر کرچه معدوددر. فقط شان و شرفی، استقبال نامنه تأمین ایتدیکی حیاتی نامحدوددر.

مسلمانلر غیر ایمانی نفسانیت، غیر توحیدی تفرقه لر، غیر انسانی شقاق و نفاق یوزندن غیای انحطاطه سقوط ایدرکن اومدهش سقوطک سرعتنه مانع اولان، حتی آرائق آرائق میل اعتسلا خارقلری کوسترنینه ایشته اولاهوتی ادوار جهانگیرانهک جاذبه توحیدی، حیات شوکت و عظمتی ایدی.

غریک، یانارداغلر کی فوران ایدرک سوریه ساحلرینه ییغیلان، ارض مقدسه یاییلان صلیب اردولرینه قارشى صلاح الدین ایوبی نک بر آووج مجاهدله سل سیف جهاد ایتسی، انکلیز قرالی ارسلان یوره کلی ریشاری تلکی کی عکا قلعه سنده حبس ایتسی، ونهایت قهر مغلوبیتله هونکور هونکور آغلانه راق خاساً و خاسراً بریتانیایه عودته اجبار ایتسی نه ایدی؟ ناصر لدین الله بغدادده خلافت اسلامیة نک لوازم سقوط واضمحلالی کندی اوز الاریله حاضرلار، آتش کین و غیضی تعدیل ایچین خصم جانی محمد خوارزم شاهه جنکیز کی وحشی، یر تیچی، جانواردن مفترس، عصرینک فرعونى اطلاقنه شایان یر دشمن انسانیت و اسلامیتی مسلط ایدر، تورکستان باشند باشه یر قان دریاسی کسلیر، مدنیت اسلامیة نک الی عصرلق نیجه معموره لری او آتش طوفانلری ایچنده یانار، او قان دریالری اورزنده یوزرکن، قیا آلب اوغلی سلیمان شاه مرحومی جنکیزک ظلمندن چکینمک بهانه سیله ماهاندن هجرته سوق ایدن، ونهایت حضرت ارطغرلی جبر قلعه سی نوکنده بویوک قارده شلرندن آیروب متردد خطوه لریله آسیای صغرایه کوتورن نه ایدی؟ عجبا مرحوم مشارالیه حضرتلری او، پدر جنت مقرینک غیوبت ابدیه سنی تعقیب ایدن ماتم انکیز دقیقه لرده نجل جلیلی جناب

مظاهرتنه، نه ده طرفداران مدنیتک، عونته حریتک مداخله سنه عرض احتیاج ایتیز. خلفای راشدینک مسلکنی تعقیب ایتک، دیانت اسلامیة نک اصول اولیه سنه رجعت ایلک شرطیله بونلرک هپسندن مستغنی اولور. کندی حاکم لری نک مظالمه، عدالت شرعییه مخالف معاملاتنه تحمل ایدمه یه رک بر اجنبی تابعیتنه دخالت ایدن بر قاج مسلمان کورنجه یه قدر دهرک صاچلری آغاردی، زمانک رنکی اوچدی: بونکله برابر بوملتجیلر دها ایلک خطوه یی آتار آتماز ندامته باشلادیلرکه بونلرک حالی عینیه کندی اولدیرمک ایتیبوده صکره آجی یی طویار طویماز بشیان اولانلره بکزر. ممالک اسلامیة نک مصاب اولدینی تقسیملر، تفرقه لر انحق ولایت اموره بولنانلرک دیانت اسلامیة نک اساسی اولان اصول قومعه دن انحراف ایتلری، اسلافک مسلکنی بر اقلری نتیجه سیدر. بشقه برشی دکلدرد. اکر بونلر قواعد شرعییه رجوع ایدر، سلف صالحک اثرینی تعقیب ایلرسه آز زمان ظرفنده اسکی شوکتلری، دور راشدینده کی غریک تفرقی استردادده موفق اولورلر. «وقفنا الله للسداد وهدانا طریق الرشاد»

مرحوم شیخ محمد عبده

[طنین رفیق محترمزه انخاف اولنور]

اتحاد اسلام

دون، تلفظی دکل، تصویری بیله ممنوع عد اولونان، وحتی کندیلرینی صمیمی طرفدارلری میاننده کوسترن بعض شخصیتلرجه بیله محالاتدن عدایدیلن «اتحاد اسلام» ترکیبی بوکون جالندن رفع نقاب ایدیور. یر آلهة الحسن کی عالم اسلامیتی تابنده جالیله الهی یر وجد واستغراق ایچنده غشی ایدیور. مدید یر کسوفه طوتولمش کولش... پیش اجلانده تراکمه، نشر انوارینه نمائنه چالیشان اوظلام انکیز طبقات ظلم، آنک انظفا وانکسار شانندن اولمایان ضیاسنه دایانا مایاراق نهایت محو اولور. نهوت، «اتحاد اسلام» مهر توحیدک ازلی برلعه سیدر. اوکولش بوتون عظمتیه، بوتون قدرت قاهره سیله جهان عقل و ادراک فوقنده درخشان ایکن آنک ضیاسنی سوندورمکه کیم وهانکی قوت مقتدر اولاییلر؟

«کی بود خورشید از یف منطمس!!»

اتحاد ایله توحید اراسنده کی تلازم وحدت.. توحید نه در؟ اتحاد نه دیمکدر؟.. بونلر نظر حکیم اربابندن صورولسون! حریم توحیدک محرمی اولمایان، آنی بالکنز برشکلدن، بر هیئت لغویه دن عبارت ظن ایدن عقول قاصره ادراک ایدمه مرسه البته معذور صاییلر. «اتحاد اسلام» بالکنز بر ترکیب لفظی، بر دستور عادی دکلدرد.

«اتحاد اسلام» ی تفسیر ایدیورلر، تحلیل، محال و ممکنه تقسیمه قالیشیورلر. آلدانیورلر. بک چوق آلدانیورلر.

«اتحاد اسلام» ک مرجع حل، فصل الخطابی غریک مادی

عثمان ایچین جهانگیرانه بیر سلطنت اسلامیه نك مؤسس ابدی الاشتهاری اولاجغنی - كشف استقبال ادعایله - بیر چیقوبده سویله سه اینانیرمیدی ؟ یوقسه بو خوارق شئون، طالع دنیان معبوده خیالک بیر لطف تصادفی میدی ؟ برازده مسلمانجه دوشونه لیم . تفکرات و محاکماتری بوتون بوتون مادیلشدیرمیه لم .

« اتحاد اسلام » ی حضرت قرآن حکیم ، باشده کلمه جلیله توحید اولماق اوزره « دیناً قیماً ملة ابراهیم حنیفا » نظم ازلیسیله ملیتی دینه ربط ایتک ، بلکه عینی دین یایماق ، بوتون مؤمن و معتقدلرینه قومیت و عنصریت فرقلرینی ذره قادار بیله نظر اهمیت آلماقسزین مساوی بر حقوق حیات اجتماعی و مدنیّه توزیع ایله مک انسانیت و اسلامیت ، جمعیت و مدنیتک روح معنایی اولان مکارم اخلاق ، حب معالی ، بغض مساوی بی واجب الاتباع بر دستور مطاع اولاراق تلقین و تعلیم ایتک صورتیه حل و فصلی ... ایشته « اتحاد اسلام » ک تزلزل وانهدام شانندن اولمایان اساسی !

تاریخ ظهور و انتشارندن بر عصر کچمه دن بوتون بشریتی پیش جلال و عظمتنده زانوزده دهشت و تعظیم ایدن ایشته بو « اتحاد اسلام » در .

اعداسنک ، وجودینی دکل ، بر دقیقه بیله بقاسنی کندیس ایچین اک بویوک بر مصیبت ، اک تحمل سوز بیر فلاکت عد ابدی ایشته بو « اتحاد اسلام » در .

غریبک ، اوج بوجوق عصر دنبرو چیکنه مه که ، ازمه که ، بوغماغه ، نولدورمه یه بوتون قوتیه چالیشدینی ایشته بو « اتحاد اسلام » در . ایکی سنه اول بالقان شاهقه لرندن صلیب نامه قویان قان و آتش طوفانلری ، ایشته بو « اتحاد اسلام » قارشى در .

آنر ، « اتحاد اسلامک » موجودیت اسلامیه دیمک اولدیغنی بلکه بزدن زیاده بیلیرلر . او « روح نائمک » تیقظ و انتباهی کندیلری ایچین نه یمان بر زاجر ، نه قهار بر مؤدب اولدوغنی پک اعلا تقدیر ایدرلر !

شیمدی بویله عظمتلی بر دستوره ، بویله سحرار بر عامله ، بویله فسونکار بر ناظمه ناصیل ضعف و عجز اسناد اولونه بیلیر ؟ انکلز بریتانیا آداسندن شرقاً چینّه ، غرباً آمریقایه ، جنوباً امید بورنه قادار یاری دنیایی اسنیلا ایدر ، یوزلرجه ملهون مسلمانلری ، بت - پرستلری ودها بر جوق ملتلی - نچه اسارتنه آلماغه مقتدر اولورده « اتحاد اسلام » کندی آشیانه سنه نه دن مالک اولاماز ؟ غیر طبیعی سعی و عمللر - ولو موقت اولسون - ثمره دار اولورلرده اک طبیعی چالیشمه لر نیچون ثمره ویرمز ؟ مسلمانلر نه زمان چالیشدیده موفق اولامادی ؟ عجبا جناب سلیم اول ، دها بر قاج سنه یاشامش اولایدی هندستان ، بر کشور قرآن اولمه یه جقمی دی ؟

آه مسلمانلر ، توحید الهی بی براقیر ، قرآن حکیمه آرقه لرینی چه ووروب اسلامک ، معناسندن ، حقیقتندن ، روحندن مجرد قورو بر لفظی قبول ایله اکتفا ایدرلر ، وجود اسلامی - غربه تقلیداً عرقی خنجرلره پارچه لایارق اسلامیتده برر عضویتدن عبارت اولان هر عرقه ، هر عنصره مستقل برر ملت عنوان موهو می ویریرلر ، صوکراده خرسنیا ن بین المللینی تنظیراً بر اسلام بین المللیتی تخیل ایدرلر سه البته « اتحاد اسلام » دستوری ، یالکز خلا فکیرلرنجه دکل ، حتی لفظی (!) طرفدارلرنجه بیله کولونج اولور . ذاتاً بویله ضرورت نتیجه سی اولان بر اتحاد لفظینک « اسلام » ه اضافت و نسبتنه قرآن حکیم کولیور . « قالت الاعراب آمنا ؛ قل لم تؤمنوا ولكن قولوا اسلمنا ! » اعراب دیدی که : ایمان ایتدک ، اللهه اینانیدیق ، سنده دائماً آنلره سویله : خایر ، هیچده ایمان ایتدیکز ، نافله کندیکزی آلداتیمکز ، لکن شو قادارکه سز لفظاً مسلمان اولمش اولدیکز . » نظم کریمیه بویله آغیزدن مسلمانلنی تزییف ایدیور .

خرسنیانلرده « بین المللیت » وارمش !! آنلرده ملیتک تعدد و تنوعی پک طبعیدر . چونکه آنلرده وحدت دین ، وحدت کتساب یوق . آنلره یاقیشیر . فقط بزده بوتون عالم اسلامک الهی بر ، کتابی قرآن ، ملتی اسلام ایکن « بین المللیت » دستور تئلی ناصیل قبول اولونا بیلیر ؟ قرآن حکیمده ملت عین دین اولونجه ملیتک تعددی دینک تعددی دیمک اولمازمی ؟ اکر ملل اسلامیه ترکیبی صحیح ایسه « ادیان اسلامیه » تعبی رینکده صحتی اقتضا ایتزمی ؟ اسلامیتده قاج دین وار ؟؟

جناب حقک (جل شانّه) ملتی دینه آنندن بدل اولماق صورتیه بوقادار قوتله ربط ایدیشنده ، ملتی دیندن عبارت قیلمه سنده کی حکمتی دوش - ونه لم . عالم اسلامی تشکیل ایدن عناصردن هیچ برینه استقلال ملی ویرمه مک ، هر برینی غیر مستقل بر عضو عدایله مجموعنی بر وجود تام یایماق دکل سه نه در ؟ « المؤمنون کر جل واحد .. » حدیث جلیلی ده بو حقیقتی تأکید و تأیید ایتیه یورمی ؟

اسلامده بین المللیت ناصیل تصور اولونه بیلیر ؟ مسلم بر عرب غیر مسلم بر عربی هم عرقی دی یه ناصیل سه وه بیلیر ؟ آکا ناصل قاردش نظریله باقه بیلر ؟ بو « انما المؤمنون اخوة » دستور قرآنیسی تکذیب چیقمازمی ؟ اسلامیت « لایرث المؤمن الکافر ولا الکافر المؤمن » حکم مطاعیه مؤمنله غیر مؤمن آراسنده حقوق قرابت ، حقوق ارثیه نامه هیچ برشی براقایور .

بردینک بر ملتی ، بر روحک بر وجودی اولور . اسلاملرک ، حالا غربی قورقوتان ایشته بو وحدت دینه و ملیه سی ، تعبی ر دیگرله بو « اتحاد اسلام » روحیدر . غربک . عالم اسلامه ییلان سورولری ، عقرب کومه لری کی میسونرلری مسلط ایتیه سی ، عرفان و مدنیت نقابی آلتنده معظم ، مظنطن کلیسالی مکتبلر تأسیس و بو اوغورده ملیونلره آلتونلر صرف و استهلاک ایتیمی مسلمانلرک سلامت

اکبر» . غزا میدانلرینه ، جنان شهادته قوشدوران سنسین ! خلاصه : « وکفی الله المؤمنين القتال وکان الله قویاً عزیزاً » سنک ازلی سوزک ، سنک ابدی وعد کریمکدر .

سن محیط اسلامیتده ابدیاً مجرا بولامایاجق قومیت جریانلرینه موهوم عرقی رابطه لره رغماً « اتحاد اسلام » ی درعهده ایلدین . او روح نائی اویاندیردین . « والقینا بینهم العداوة والبغضاء الی یوم . القيمة کما او قدوا ناراً للحرب اطفاءها الله » مژده ازلیسنک ناصیل غیر قابل انکار بر حقیقت اولدوغنی بر داهای اثبات ایتدین ! خلافت مقدسه احمدیه یی و او امانت کبرانک حاملی اولان ممثل استقلال اسلام بو سلطنت معظمه عثمانیه یی استحکار و تذلیلک نه عفو اولونماز بر جنایت اولدیغنی مغرور و متحکم دشمنلرینه کوستر دین . یارب ! خلافت اسلامیه نك یکانه تمثال استقلال و شوکتی ، وجود اسلامک ناصیه عزو شانی اولان امیرالمؤمنین ، امام المتقین اقدیمز حضرتلری آرزو ایتدیکن « اتحاد اسلام » ک اکالنه ، جهان کیرانه دورلر ایجادینه موفق ایله !

محمد فخرالدین

اتحاد اسلام

اسلامده جنسیت وقومیت یوقدر

ازمیر مبعوث محترمی عیدالله اقدی حضرتلرینک بر مقاله فاضلانلرندن بر پارچه :

اسلام دنیای فنی ایده جکدر . فقط قلیجه دکل ، بلکه نور حقیقتله فتح ایده جکدر . زیرا دین اسلام انسانلر ایچون دین طبعیدر . بونی یالکز بز سویلوروز . حکیم مشهور (ارنست رنان) « انسانیتک مستقبله دینی دین اسلامیتدر » دیشدر .

مسلمانلرک قواعد عقل وحکمته موافق اولدیغنه یقیناً اعتقاد ایدن مسلمانلر بولردن عبرت آلی وعصره نرک معقولات دوری اولدیغنه هیچ شبهه ایتمه مایدر . اسلامک بوکون قوتی ، تمثال حاکمیتی دولت عثمانیه در .

دولت عثمانیه نك منبع قوتی ، مدار قوامی اسلامدر . کیم نه دیرسه دیسون حقیقت قطعیه شودرکه اسلام ترقی ایتدیکه دولت علیه قوتلنه جک ، دولت عثمانیه نك قوت وسعوتی تزايد ایتدیکه اسلام فوز وفلاح بوله جقدر .

اسلامک قوتی اتحادده در . اتحاد حقیقی اتحاد قلوبدر . اتحاد قلوب ایسه بین المسلمین اسلامک ظهورندنبری موجوددر . بوندن طولاییدرکه دنیاده نازمان اسلام دولتری یبندمه محاربه وقوع بولش ایسه بو محاربه لره حقیقی طرفه بیله حقیر طرف قدر مسلمانلرک قلی قیراشدر . یتنه بوندن طولاییدرکه بوکون عالم اسلامک هانکی قسمنده بر جزء مسامینه لاحق اولان مصیبت بتون عالم اسلامی دلخون ایدیور .

بز عالم مادیاتده بولبوروز . عالم مادیاتده اتحاد قلی فعلیاته مقارن اولدقجه بر نمره ویره مر . بوطالده جلب مصلحت ودفع مضرت یالکز تمایلات وعواطفله ممکن دکدر . بو تمایلات وعواطفک موجود اولدیغنی آتقی آثار فعلیه سی ایله ظاهر وثابت اولور .

وسعدتی نامنه میدر ، یوقسه ، آنجا ، وحدت اسلامیه وملیه مری زهرله مک ، بوغمساق ، تولدورمک وصوکرآ بزى لقمه لقمه یومساق ایچین می در ؟ ...

جبر وتحکمک قیر یلاز ظن اولونان ده میر اللریله زواللی وطنمیزک هر طرفنده تأسس ایتش اولان بوشقاوت مدنیه بنالردن ، بوملعت دارالندولرندن ، ایشته جناب حافظ اسلامیت شو « جهاد اکبر » شرفنه بزى قورتاردی . او نیلان سورولری ، او عقر ب کومه لرینی بر تذلیل قهارانه ایله ایچمزدن دفع و رفع ایتدی و او محشم مؤسسانی نوردیده لریمیزک تربیه وتحصیللرینه تخصیص ایله بغیر حق طاشیدیقلى عنوان معرفت وفضیلتی تصحیح بویوردی . بو آرواح خیشته کتله لرینک اسلامیه ومسلمانلره نه مدھش شیاطین اغوا وتضلیل اولدقلى ، اوزون سنلردنبرو اسلامیت مزى تسمیم ، کعبه ایمان مزى تحریک ایله انقاضی اوزرینه صلیبی طاقاق ، بزى شرقک فرانسزى ، انگلیزى یامق ایچون نه یامان بر غیرت مفرطه ، بر سخی مضاعفه چالیشدیقلری داهای کچن کونلرده مطبوعاتر بر لسان تاهفله یانه یاقيله سویله مدیی ؟

اللهم ! سن نه بویوکسین ! سن نه ازحم الراحینسک ! سن ، سوزکده نه دوغروسین ! سن ، وعدکده نه کریمسک ! عجبای بز عاجز قوللرینه براقش اولایدین ، اوقایتولاسیون زنجیرلری بویوزدن چکوب آلاق پارچالایه بیلیر ، اوللری پارسک سیای مغرورینه ، لوندیره نك چهره منجوس ومردارینه فیرلاتا بیلیرمیدیک ؟ عجبای بز بیچاره لره قالسه مکتب معرفت ، مکسب مدنیت نامی آلتنده اوشقاوت اوجاقلری ، اوتنصر وارتناد دارالندولرینی تطهیر ، عنوانلری تصحیح ایله اولادلریمزه تخصیص ایده بیلیرمیدیک ؟

دونکی بالقان فلا کتنده لوندیره ده « هیکل صلیب » کمال ذلت ومقهوریتله خلافت محمدیه نك تسایم ایلدیکی ، انگلیزلره خاص بر کین ماعونانه ایله ، تصویر اولونان « سیف اسلام » باقیکز ، باقیکز ناصل نیامندن صیریلدی ! ناصل غالبلرینک فوق سرنده بارقه لر صاچیور ، صاعقه لر یاغدی ریور ! قهر و انتقام آتشاری بوسکور ریور !

اللهم ! سه وکیلی پیغمبر ذیشانک یدیمین شهادته و یردی ک بو قلیجی سن چکدیر دین دکل ؟ سن بونک حقنی ویره جکسین دکل ؟ سن بونک ناصیل بوکولز ، قیر یلاز بر سیف قهر و انتقام اولدیغنی موسقوفه ، فرانسزه ، انگلیزه کوستره جکسین دکل ؟

بوتون بوخوارق شئونک خالق یکانه سی سنسین ! « جهاد اکبر » اعلان ایتدیرن سنسین ! « ولتجدن اقربهم مودة للذين آمنوا الذين قالوا انا نصارى » دى به قلبه حب اسلامی الهام ایتدی ک حق شناس ، انسانیت پرور آلمانلنى بزه متفق و ظهیر ایدن سنسین ! عصرلردنبرو بر رینه یان باقان عناصر اسلامیه یی توحید ایدن ، اتحاد ایتدیرن آنلری بر روح ، بر قلب ، بر فکر ، برامل یایان ، انلری « جهاد